



Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Definitio Quoad imagines nondum à Sede Apostolicâ Canonizatorum, vel
Beatificatorum cum radiis, splendoribus, & laureolis proponendas, vel
tabellas, & luminaria ad eorum sepulchra apponenda & cum ...

urn:nbn:de:hbz:466:1-14298

A.

DEFINITIO

Quoad imagines nondum à Sede Apostolicâ Canonizatorum , vel Beatificatorum cum radiis , splendoribus , & laureolis proponendas , vel tabellas , & luminaria ad eorum sepulchra apponenda & cum attestationibus , desuper proponendis , recipienda & asservanda , sive eorum miracula in imprimendis libris enarranda . Feria v. die xiiii Martii Anno à Nativitate D. N. Iesu Christi 1625.

In Generali Congregatione S. Romanæ & universalis Inquisitionis habita in Palatio Apostolico in Vaticano coram S. D. N. D. Urbano divinâ providentiâ Papa VIII ac Illustriss. & Reverendiss. D D. S. R. E. Cardinalibus , adversus Hæreticam pravitatem Inquisitoribus generalibus à S. Sede Apostolicâ specialiter deputatis .

Sanctiss. D. N. sollicitè animadvertisens abusus qui irrepserunt , & quotidie irreperi non cessant in colendis quibusdam cum sanctitatis , aut Martyrii fama , vel opinione defunctis , qui etsi neque Canonizationis , neque Beatificationis honore insigniti sint ab Apostolica Sede , eorum tamen imagines in Oratoriis , atque Ecclesiis , aliquo locis publicis , ac etiam privatis , cum laureolis aut radiis , seu splendoribus proponuntur , miracula & revelationes , aliaque beneficia , a Deo per eorum intercessiones accepta , in libris rerum ab ipsis gestarum enarrantur , & ad illorum sepulchra , tabellæ , imagines & res aliae ad beneficia accepta testificanda , & lampades & alia lumina apponuntur .

§. 1. Volensque proinde hujusmodi abusus , pro debito officii Pastoralis , occurtere , re etiam cum Illustriss. & Reverendiss D. D. Cardinalibus , contra hæreticam pravitatem in univerla Republica Christiana generalibus Inquisitoribus , communicata , & mature considerata , ac discussa declaravit , statuit & decrevit , ne quorumvis hominum , cum Sanctitatis , seu Martyrii fama , quantacunque illa sit , defunctorum imagines , aliaque praedita & quodcumque aliud , venerationem & cultum præ se ferens & indicans , in Oratoriis , aut locis publicis , seu privatis , vel Ecclesiis tam fœcularibus , quam regularibus , cuiuscunq[ue] Religionis , Ordinis , instituti , congregacionis , aut societatis apponantur , antequam ab Apostolica Sede canonizentur , aut Beati de-

clarentur , & si quæ apposita sunt , amoveantur , prout eas statim amoveri mandavit .

§. 2. Ac pariter imprimi de cætero inhibuit libros eorundem hominum , qui Sanctitatis , sive Martyrii fama vel opinione , ut præfertur , celebres è vita migraverint , gesta , miracula , vel revelationes , seu quæcumque beneficia tanquam eorum' intercessionibus à Deo accepta continentis , sine recognitione , atque approbatione Ordinarii , qui in iis recognoscendis , Theologos , aliosque pios ac doctos viros in consilium adhibeat , & ne deinceps fraus , aut error , aut aliquid novum , ac inordinatum in re tam gravi committatur , negotium instructum ad Sedem Apostolicam transmittat , ejusque responsum expectet . Revelationes vero & miracula aliaque beneficia supradicta , quæ in libris horum hominum vitam & gesta continentibus , hactenus sine recognitione , atque approbatione hujusmodi impressa sunt , nullo modo approbata censemur vult , mandatque sua Sanctitas .

§. 3. Ad horum hominum sepulchra vertuit etiam , ac inhibuit , tabellas , atque imagines , ex cerâ , aut argento , seu ex aliâ quæcumque materia , tam pictas , quam fictas , atque exsculptas appendi aut affigi , & lampades , sive alia quæcumque lumina accendi , sine recognitione ab Ordinario omnino , prout supra facienda , Sediq[ue] Apostolica referenda ac probanda .

§. 4. Declarans , quod per suprascripta , præjudicare in aliquo non vult , neque intendit iis , qui aut per communem Ecclesiae con-

sensum, vel immemorabilem temporis cursum, aut per Patrum, virorumque Sanctorum scripta, vel longissimi temporis scientia, ac tolerantia Sedis Apostolicæ, vel Ordinarii, coluntur.

§. 5. Ut autem præmissa diligentius obseruentur, universis, ac singulis, tam Ordinariis, quam hereticæ pravitatis Inquisitoribus districte præcipit, ut in sua quicquid Diœcesis, vel Provincia sedulò pervigileat, ne sine approbationibus prædictis, Imagines cum memoratis signis exponantur, aut miracula, revelationes ac beneficia prædicta publicentur, aliae contra superius disposita hant.

§. 6. Transgressores vero, si Regulares fuerint, privationis suorum officiorum, ac vocis activæ, & passivæ, nec non & suspensionis à divinis: Si vero Clerici Sæculares, privationis pariter suorum officiorum, suspensionis à divinis & ab administratione Sacramentorum, executioneque suorum ordinum respectivæ, aliisque arbitrio prædictorum Ordinariorum, seu Inquisitorum pro modo culpæ infligendis penis plectendo.

§. 7. Qui autem libros imprefferint aut imagines pinxerint, sculperint, seu quoquo-

modo effinxerint, vel formaverint, ceterique Artifices circa præmissa qualitercumque delinquentes, prædicta omnia amittant, & insuper pecuniarii, aliisque etiam corporalibus peccatis, juxta criminis gravitatem, corundem Ordinariorum, seu inquisitorum arbitrio afficiantur.

§. 8. Contrariis quibuscumque non obstantibus.

§. 9. Et ne præmissorum ignorantia possit ab aliquo prætendi, voluit, ut Decretum hujusmodi, seu illius exemplum ad yalvas Basilica Princeps Apostolorum urbis, ac in acie Campi Floræ affixum omnes perinde arctet, atque afficiat, ac si unicuique personaliter intitulatum fuisset.

§. 10. Quodque præsentium transumptis etiam impressis, manu Notarii publici subscriptis, ac sigillo alicuius personæ in dignitate Ecclesiastica constituta munitis, eadem prorsus fides habeatur, quæ præsentibus habetur, si forent exhibita, vel ostensæ.

*Io. Antonius Thomasius, S. Romane &
Universalis Inquisitionis Not.*

Sequitur declaratio præinsertæ prohibitionis.

Postmodum vero idem Sanctiss. D. N. à quibusdam revocari in dubium accepit, an Tabellas & Imagines, quas in postrem offerri contigerit, recipere & antea oblatas conservare licet, Sua Sanctitas, qua tantum modo voluit, occurrente abusibus, qui irrepare videbantur, certiore parare viam ad eorum in terris gloriam, quoru sanctimoniam divinæ clementiæ placuerit admirandis operibus illustrare; re prius cum illustriss. & Reverendiss. D D. Cardinalibus contra hereticam pravitatem generalibus Inquisitoribus communicata, præsenti decreto declaravit. Quod sicut nunquam prohibuit, nec suæ intentionis fuit prohibere oblationem, receptionemque Tabellarum & Imaginum hujusmodi, ita, ut nulli deinceps hesitationi locus relinquatur, statuit in præsentiarum & decernit, ut quoties ad aliquam Ecclesiam, aut Oratorium locumve alium publicum secularem, seu regularem Tabellas, & imagines, aliudve simile quispiam detulerit, ac intercessione hominum inter Santos vel Beatos non adscriptorum,

quamvis cum Martyrii, vel Sanctitatis famæ demortuorum, optata se imperativè dixerit, liceat Ecclesiasticis personis, Ecclesiarum locorumve prædictorum curæ Præpositis, Tabellas & imagines sive pictas, sive ex quavis materia factas, atque alia quæcumque collatae gratiæ fidem facientia simul cum defertentis, aliorumque, qui consciæ fuerint attestationibus accipere, atque approbantibus Ordinariis, ad quos referre statim omnia tenetur, in secreto aliquo, seorsum ab Ecclesia, loco custodiore, ibidemque jam amota collare & affervare, ut si quando Dominus talium virorum merita Beatificationis seu Canonizationis honore in terris decorare voluerit, extent hujusmodi Sanctitatis quæscumque probations, Apostolicæ Sedis judicio tunc examinandæ, contrariis quibuscumque non obstantibus.

*Io. Antonius Thomasius, S. Romane &
Universalis Inquisitionis Not.*

D E-